

## ՍՍՄՎԵԼ ՍՍՐԿԱՎԱԳ ԽԱՉԱՏՐՅԱՆ

## 7-ՐԴ ԴԱՐԻ

ԵԿԵՂԵՑԱՇԻՆԱՐԱՐՆԵՐԸ<sup>1</sup>

Հայկական լեռնաշխարհում ճարտարապետական-շինարարական գործը սկզբնավորվել է դեռևս չորս հազար տարի առաջ: Դրանից ի վեր այն անցել է զարգացման երկարատև մի ճանապարհ, որի անկյունաքարային անցուղիներում յուրացրել է մշակել տեղական ճարտարապետական ավանդույթները, կրել, ավելի ուշ, ֆրիստոնեական մտածողության խորը կնիքը և մեզ մատուցվել իրրև հայկական ինֆնաոն ճարտարապետական արվեստ:

Զարգացման այսպիսի երկար մանպարհ անցած հայկական ճարտարապետության մեջ քացառիկ տեղ է գրավում 7-րդ դարը, որ, աներկյա կերպով կարելի է ասել, նույն հարաբերության մեջ է գտնվում մեր ճարտարապետության նկատմամբ, ինչ որ 5-րդ դարը՝ գիր ու գրականության, այսինքն՝ իրավամբ համարվելով հայ ճարտարապետության ձևկնդարը:

7-րդ դարում, ի շարս կառուցողական արվեստի րազմաթիվ հուշահամալիրների, աշխարհիկ շինությունների, վեր հն խոյանում նաև մեծաթիվ եկեղեցիներ:

Հարկ է նշել, որ այս շրջանում եկեղեցաշինությունը կրել է ոչ թե տարերային կամ մասնակի բնույթ, այլ մղված է եղել կրոնական գործնական կարիքներից և հավասարապես զարկ է տրվել թե՛ հայոց կաթողիկոսների և թե՛ հայոց իշխանների կողմից:

Ուստի, հաշվի առնելով եկեղեցաշինության նկատմամբ հայոց իշխանների ու կաթողիկոսների նման վերաբերմունքը, հեղինակային որոշակի պատկանելություն ունեցող եկեղեցիները դասակարգում ենք հետևյալ ենթախմբերի մեջ.

1. 7-րդ դ. կաթողիկոսաշեն եկեղեցիներ

2. 7-րդ դ. իշխանաշեն եկեղեցիներ

Նախապես նշենք, որ սույն գործի եիմնական նպատակը մեր հետաքրքրության շրջանակի մեջ մտնող եկեղեցիների մասին համառոտ և ծանոթագրական կարգի տեղեկություններ հաղորդելն է:

## 1. Կաթողիկոսաշեն եկեղեցիներ

Խնդրո առարկա ժամանակաշրջանում կառուցված եկեղեցիներից, թե՛ ժամանակագրական առումով և թե՛ հայկական ճարտարապետության մեջ գրաված իր քացառիկ դիրքով, առաջին կաթողիկոսաշեն եկեղեցին վաղարշապատի

<sup>1</sup> Այս խորագրի ներքո մենք նկատի ունենք միայն եկեղեցաշեն կաթողիկոսներին և իշխաններին:

Ա. Հովսեփիմի տաճարն է /ՅԼԻ/: Եկեղեցու կառուցումը, ինչպես նշվում է տաճարի արձանագրության մեջ, իրականացվել է Կոմիտաս Ա Աղցեցի Կաթողիկոսի կողմից /ՅԼԵ-ՅԼԸ/: «Քրիստոս Աստուած յիշեալ զԿոմիտաս հայոց կաթողիկոս շինեալ սրբոյ Հովսեփիմի»<sup>2</sup>: Սույն իրողությունը հաստատվում է նաև Սեբեոսի վկայությամբ. «Եւ եղև յամի ԻԸ-երորդի թագաւորութեանն Ապրուէզ Խոսրովու փակեաց կաթողիկոսն Կոմիտաս գմատուտ սրբոյն Հովսեփիմայ ի Վաղարշապատ քաղաքի. զի կարի ցած և մթին էր շինուածն, որ շինեալ էր սրբոյն Սահակայ հայրապետի հայոց կաթողիկոսի, որդւոյ սրբոյն Ներսիսի»<sup>3</sup>: Այս պատմիչը, նշելով Հովսեփիմ կույսի նշխարների գյուտի մասին, ավելացնում է. «Շինեաց զեկեղեցին, և զերանելին եթող ի քացեայ վասն զիշութեան որմոցն, մինչև ցամաքեալ կրոյն: Այս ամփոփեցաւ ի կայեանս իւր»<sup>4</sup>:

Սեբեոս պատմիչի վկայության համաձայն, Կոմիտաս կաթողիկոսը նորոգել է նաև Ս. Էջմիածնի Մայր Տաճարը, որը մինչ այդ նորոգվել էր 5-րդ դարի վերջին ֆառորդում՝ Վահան Մամիկոնյան մարզպանի նախաձեռնությամբ<sup>5</sup>:

Ստորև ներկայացնում ենք Սեբեոսի վկայությունը. «Վերացոյց և զփայտալարկս սրբոյն կաթողիկէին, նորոգեաց և զխախուտ որմոյն. շինեաց զքարալարկս»<sup>6</sup>:

Եկեղեցաշինության մեջ հաջորդ աչքի ընկնող ներկայացուցիչը Նզր Ա Փառաժնակերտցի կաթողիկոսն է /ՅԼԸ-ՅԼԻ/, որի անվան հետ է կապված Վաղարշապատի մյուս եկեղեցու՝ Ս. Գայանեի կառուցումը /ՅԼԸ-ՅԼԻ/: Որքան էլ տարօրինակ է, այս հուշարձանի կառուցման մասին որևէ ակնարկ չկա Սեբեոսի երկում, որը այդ իրողության ամփոփական ժամանակիցն էր: Սակայն այս բացը լրացվում է շնորհիվ Դրասխանակերտցու հաղորդած տեղեկության. «Իսկ ապա հայրապետն Նզր զվկայարան սրբոյն Գայանեայ գոր, երբեմն խրթին և մթին էր գնա շինեալ՝ փակեալ գայն, ևս ընդարձակագոյն գնա շինեաց՝ կոփածոյ քարամրճ և կրով ձուլելով. և արտառուտ յարդարէր կայեանս քնակութեան քահանայական դասուց ի պաշտոն աստուածային խորանին»<sup>7</sup>:

Ինչպես տեսնում ենք սույն վկայության վերջին հատվածից, Նզրը կառուցել է նաև վանատուն, որի մասին նշվում է, թե «այս եղև սկիզբն ժամատուն շինելոյ. մինչև ցայս վայր ոչ երկիր ի հայս»<sup>8</sup>:

Դեռևս Նզր Ա Կաթողիկոսի գահակալման շրջանում արաքական ուժի ի հայտ գալով, միջազգային ֆաղափական սապարեզում տեղի են ունենում խոշոր ֆաղափական տեղաշարժեր, որոնք իրենց ամփոփական արձագանքն են գտնում նաև Հայաստանում: Արաքական ահազանգող այս սպառնալիքը մի կողմից և բյուզան-

<sup>2</sup> «Ակնարկ Հայ ճարտարապետության», Երևան, 1964, էջ 147:

<sup>3</sup> «Պատմություն Սեբեոսի», աշխատասիրությամբ Գ. Վ. Արզարյանի, Երևան, 1979, էջ 121: Այսուհետև՝ Սեբեոս:

<sup>4</sup> Անդ՝ էջ 121:

<sup>5</sup> Մ. Հարությունյան, «Հայ ճարտարապետության պատմություն», Երևան, 1992, էջ 132: Այսուհետև՝ Հարությունյան:

<sup>6</sup> Սեբեոս, նշվ. աշխ., էջ 121:

<sup>7</sup> Հովհաննես Դրասխանակերտցի, «Պատմություն Ռայոց», Մոսկվա, 1853, էջ 46: Այսուհետև՝ Դրասխանակերտցի:

<sup>8</sup> Անդ՝ էջ 203-ի 203-րդ տարրընթերցվածը:

դական ֆաղափականության ձուլամետ դիրքորոշումը՝ մյուս, առավել սաստկանում են հատկապես Ներսես Տալեցի կամ Իշխանցի հայրապետի օրոք /841-861/: Սակայն, չնայած Հայաստանում տիրող նման խռովահույզ վիճակին, Ներսես կաթողիկոսը, հիրավի, անհախճաբազ ծավալի շինարարական գործունեության է ծավալում, որի թագն ու պսակը, աղբյուրներին<sup>9</sup> մեզ հայտնի սուրբ Գրիգոր կամ Զվարթնոց տաճարն է /842-852/: Այս «չհնազ զայմանալեալ» և «աստուածային պատվոյն արժանի» եկեղեցու մասին սկզբնական տեղեկությունները պատկանում են Սեբեոսին. «Յայնմ ժամանակի արկ ի միտս իւր կաթողիկոսն Հայոց Ներսէս շինել իւր բնակութիւն մերձ առ սուրբ եկեղեցեացն որ ի Վաղարշապատ ֆաղափին, ի վերայ ճանապարհին»՝ յորում, ասեն, ընդ առաջ եղև թագաւորն Տրդատ սրբոյն Գրիգորի: Շինեաց անդ եկեղեցի մի յանուն երկնաւոր Զուարթնոցն, որոց երևեալ ի տեսեան սրբոյն Գրիգորի բազմութիւն երկնաւոր զաւարացն...»<sup>10</sup>: Համաձայն Հովհաննես Դրասխանակերտցու, ինչպես նաև նույն Սեբեոսի<sup>11</sup>, Ներսես Շինողը Զվարթնոցի տաճարի մոտ կառուցել է նաև կաթողիկոսական ապարանք. «... հայրապետն Ներսէս... զարտափոյս հրաշակերտ եկեղեցւոյն, զոր իւր իսկ էր շինեալ՝ շուրջանակի պատուար պարսպով փակեալ ամրացուցանէր, յորինեալ ի նմա յարկս բնակութեան ինքեան հաստահեղոյս կոփածոյ ֆարամբք»<sup>12</sup>:

Զվարթնոցի եկեղեցին, դժբախտաբար, չի պահպանվել և հիմնովին ավերվել է՝ 10-րդ դարի վերջին ֆառորդում տեղի ունեցած երկրաշարժից:

Ներսես Գ Տալեցի կաթողիկոսի եռանդուն շինարարական գործունեության արդյունք են նաև Դվինի Ս. Սարգիս և Խոբ Վիրապի Ս. Գրիգոր Լուսավորիչ եկեղեցիները, որոնք, ինչպես վկայում է Սամվել Անցեղին, Զվարթնոցի տաճարից ավելի վաղ են կառուցվել. «Հայրապետն Ներսէս շինէ զսուրբ Գրիգոր զգարմացուցիչն տեսողաց, քայց յառաջ շինէ զվկայարան սրբոյն Սարգսի ի Դուին, և զոր ի վերայ Վիրապին սրբոյն Գրիգորի»<sup>13</sup>: Բացի Սամվել Անցեղցուց, Դվինի Սուրբ Սարգիս եկեղեցու մասին տեղեկություն է պարունակում նաև Վարդան Բարձրաբերձցու երկը: Պատմիչը, խոսելով Ներսես Շինողի շինարարական գործունեության մասին, ավելացնում է, որ եզրի մահից հետո Ներսեսը «թաղէր և ի նմին տեղուը շինէր զերդեհեալ վկայարան սրբոյն Սարգսի»<sup>14</sup>: Խոր Վիրապի Գրիգոր Լուսավորիչ տաճարի՝ Ներսեսի կողմից կառուցված լինելը մշված է Դրասխանակերտցու պատմության մեջ, ուր պատմիչը խոսելով Ներսեսի կառուցումների մասին՝ հավաստում է. «Զկնի ապա շինէ տաճար սրբութեան և ի

<sup>9</sup> Դրասխանակերտցի, էջ 48, Սեբեոս, էջ 147, Ղևոնդ, «Պատմութիւն», Ս. Պետերբուրգ, 1887 թ., էջ 14:

<sup>10</sup> Սեբեոս, էջ 147:

<sup>11</sup> Անդ՝ էջ 147:

<sup>12</sup> Դրասխանակերտցի, էջ 48:

<sup>13</sup> Ա. Մանուկյան, «Քննություն Հայաստանի IV-XI դդ. շինարարական վկայագրերի», Երևան, 1977, էջ 96: Այսուհետև՝ Մանուկյան:

<sup>14</sup> Անդ՝ էջ 95:

վերայ վերապին սրբոյն Գրիգորի, ուր ի մէջ բունաւորացն քաղեալ՝ առաքելացունէր  
այլն Աստուծոյ զկամակոր վիշապին ջախջախեաց զգլուխ...»<sup>15</sup>:

Բացի վերոհիշյալ եկեղեցիներից, Ներսէս Շինողին են վերագրվում նաև  
վաղարշակերտի, իր հայրենի Իշխան գյուղի և Բանակի<sup>16</sup> եկեղեցիները:

Ներսէս Գ-ին հետո իր նախորդ կաթողիկոսների շինարարական ավանդույթն է  
շարունակում Անաստաս Ա Ակոռեցի կաթողիկոսը /662-671/: Նա իր  
հայրենի գյուղում՝ Ակոռիում, կառուցում է մի եկեղեցի, որը սակայն չի  
պահպանվել՝ 1840 թ. կործանելիք երկրաշարժից փատակվելու հետևանքով: Այս  
տաճարի կառուցման մասին տեղեկությունն է հաղորդում Դրասխանակերտցին.  
«...մեծ կաթողիկոսն Անաստաս շինե՛ զպայծառապանոյն եկեղեցին ի հայրենի  
ընակութեանն իւրում ի վանս դաստակերտին Ակոռոյ՝ կացորդ զնա յարդարեալ  
քահանայական ուխտի միակրօնից և այլոց ևս կղերց եկեղեցւոյ ի պաշտօն  
աստուածային խորանին և ի տաժողութիւն հանգստեան հիւրոց և տնանկաց և  
աղբատաց»<sup>17</sup>: Ինչպես երևում է վկայությունից, Անաստաս կաթողիկոսը նգր  
կաթողիկոսի օրինակով, «կացորդ», այսինքն՝ ժամատուն է կառուցել եկեղեցուն  
կից:

## 2 Իշխանաշեն եկեղեցիներ

Ինչպես վերը նշել էինք, եկեղեցաշինության քննազննում գործուն  
նախաձեռնություն էին հանդես բերում նաև հայոց իշխանները, որոնք ժամանա-  
կաշրջանի խառնաշփոք ու դժվարին պայմաններում, ըստ կարելիւոյն, նպաստեցին  
7-րդ դարի ճարտարապետական հուշարձաններին ստեղծմանը:

Իշխանաշեն եկեղեցիներից ժամանակագրականորեն առաջինը Բագարանի Ս.  
Թեոդորոս տաճարն է, որի կառուցման մասին տեղեկությունն է հաղորդում  
տաճարի վրա փորագրված վիմագիր արձանագրությունը: Այս արձանագրու-  
թյունից հայտնի է դառնում, որ տաճարը 624 թվականին հիմնադրել է իշխան  
Բուտ Առվեղյանը, իսկ պալ՝ վերջինիս մահվանից հետո, շինությունը  
ավարտին է հասցվել Բուտի կնոջ՝ Աննայի կողմից՝ 631 թվականին. «Երեսուն եւ  
չորրորդ ամի Խոսրովայ արքայի, Իրանելի տէր Բուտ Առեղեան ձգեաց իմուռնս  
սուրբ եկեղեցւոյս եւ երեսուն եւ ութ ամոյն Գորթի եւ Խումաթ կորուսին զԲուտն և  
յետ երից ամաց մահուան Բտին կատարեաց սուրբ եկեղեցիս Աննայ Բտին ամուսին  
տրէ ամսեան ի քսան և հինգերորդ ար կաթողիկոսութեան նգրայ եւ ի մտրգպա-  
նութեան Վարազ Տիրոցի Հայոց ասպետի, ի տերութեան Վահանայ Առուեղեան ի  
հոգաբարձութեան Թեովփիլոսի եղբայրկան որդւոյ Եւսերկայ Կամսարականի,  
Աշանուշայ եւ Աննայ դստերք Գրիգորի Վանանդացւոյ եւ որդեակք Գլուտ, Ուսահան  
և Տիարւանդ, դժիւոյ Սահակի Ռահասի Շուշան: Յիշեցի ԱՄ և ողորմեցի»<sup>18</sup>:

<sup>15</sup> Դրասխանակերտցի, էջ 48:

<sup>16</sup> Տ. Մարտիրոսյան, «Խորագույն Հայք», Երևան 1978, էջ 11 և 102:

<sup>17</sup> Դրասխանակերտցի, էջ 52:

<sup>18</sup> Մանուշարյան, էջ 62-63:

Հարկ է նշել, որ Բուս Առավելյանի անունը միայն այստեղ է հանդիպում. իսկ Առավելյանների մասին կան միայն շատ կցկտուր տեղեկություններ: Հայտնի է, որ Առավելյանների նախարարական տոհմը բնակվել է պատմական Հայաստանի Այրարատ նահանգում, ունեցել 500 հոգիանոց հեծելազունը<sup>19</sup>:

Իշխանաշեն եկեղեցիներից հաջորդը Թալինի Ս. Աստվածածին տաճարն է, որը կառուցվել է Ներսես Կամսարական իշխանի կողմից: Առյուծ իրողությունը փաստվում է տաճարի արևմտյան նակատին փորագրված արձանագրությամբ.

«Ես Ներսեսի ապեհուպատ պատրիկ Շիրակայ և Արշարունեաց շինեցի գեկեղեցիս յանուն սրբոյ Ածածնին ի բարեխաւութիւն ինձ և Շուշանայ ամուսնոյ իմոյ և հրահատայ ժողով մերոյ»<sup>20</sup>:

Պատմական այս անճաղաբությունը՝ Ներսես Կամսարականը, ապրել է 7-րդ դարի առաջին կեսին<sup>21</sup>, ավելի որոշակի՝ 629-654 թվականներին, եղել է Կամսարականների նախարարական տոհմի տաճարները<sup>22</sup>:

Իշխանաշեն եկեղեցիների շարքին է դասվում նաև Մրենի տաճարը, որի շինարարությունը կատարվել է 638-640թթ.<sup>23</sup>: Այս շինությունը, ըստ Դրասխանակերտցու, կառուցվել է Դավիթ Սահառունի կյուրապաղատի կողմից /635-639/<sup>24</sup>. «Կայսրն Հերակլ ԳԴԱԻԹ Սահառունի կիւրապաղատ արարեալ՝ իշխան Հայոց կացուցանէր... և ի հրամանէ նորուն շինէր իսկ գեկեղեցին գեղեցկահարմար, որ ի քաղաքեղն Մրեն...»<sup>25</sup>:

Խնդրո առարկա ենթախմբում ուշագրավ հուշարձան է Ալամանի Ս. Անանիա եկեղեցին: 637 թ. կառուցված այս տաճարը գտնվում է Արևմտյան Շիրակում և ունի կառուցողի ինքնությունը բացահայտող արժեքավոր արձանագրություն. «Քսան և եթնեմիոյ Հերակլի բարեպաշտ թագաւորի Ներսես Շիրակայ և Արշարունեաց տեառն և Թեոփիղոս Արշարունեաց եպիսկոպոս. իս Գրիգոր եղուստր և Մարիամ իմ կին շինեցաք զսուրբ եկեղեցին վասն մեր հոգւոց»<sup>26</sup>: Թեև տաճարի կառուցողի՝ Գրիգոր եղուստրի մասին ուրիշ տեղեկություն չկա այլ տեղ, սակայն այն, որ նա իշխանական տոհմից է, երևում է եղուստր<sup>27</sup> տիտղոսից:

7-րդ դարի իրականության մեջ բացառիկ է Գրիգոր Մամիկոնյանի կառավարման շրջանը/661-685/, որը եղավ տնտեսական և մշակութային

<sup>19</sup> Հայկական Սովետական Հանրագիտարան, հատոր 1-ին, Երևան, 1974, էջ 532, տե՛ս նաև Ղ. Ալիշան, «Այրարատ», Վենետիկ-Ս. Ղազար, 1890թ., էջ 429:

<sup>20</sup> Վ. Հարությունյան, էջ 157:

<sup>21</sup> Վ. Հարությունյան, էջ 157, տե՛ս նաև Գ. Հովսեփյան, «Քարտեզ հայ հնագրութեան», Օդդակաթ, Վաղարշապատ 1913, էջ 173:

<sup>22</sup> Հայկական Սովետական Հանրագիտարան, հատոր 5-րդ, Երևան, 1979, էջ 215:

<sup>23</sup> Օդդակաթ, մշվ. աշխ., էջ 173:

<sup>24</sup> Ա. Տեր-Ղևոնդյան, «Հայոց իշխան տիտղոսի ծագումը և Հայոց տերությունը 7-րդ դարում», Բանբեր Երևանի Համալսարանի, 1969, հմր. 1-ին, էջ 243:

<sup>25</sup> Դրասխանակերտցի, էջ 46:

<sup>26</sup> Վ. Հարությունյան, էջ 158:

<sup>27</sup> Հր. Աճառյան, «Հայերեն արմատական բառարան», երկրորդ հատոր, Երևան, 1973, էջ 23:

ձեռքբերումների փայլուն մի ժամանակահատված<sup>28</sup>: Շարունակելով իր նախորդների ավանդույթունը՝ իշխան Գրիգոր Մամիկոնյանը եկեղեցաշինությանը նոր քափ հաղորդեց: Նրա անմիջական նախաձեռնությամբ կառուցվեցին Արուճի Ս. Գրիգոր և Նղվարդի Ս. Զորավար եկեղեցիները:

Արուճի Ս. Գրիգոր տաճարի շինությունը, համաձայն Գանձակեցու վկայության, ավարտվել է ճեմ թվականին. «Ի հինգերորդ ամի Անաստասայ եղև շինուպձ կաթուղիկէն, որ յաւանն Արուն»<sup>29</sup>:

Արուճի տաճարի վերաբերյալ հիշարժան տեղեկություն է հաղորդում նաև Դրասխանակերտցին, որի հիշատակությունը առավել արժեքավոր է շնորհիվ այն վկայության, ըստ որի՝ Գրիգոր Մամիկոնյանը տաճարի հարավային կողմում կառուցել է նաև պալատ: Գրասխանակերտցու հիշատակությունը հետևյալն է. «Զայսու ժամանակաւ քարեպաշտ իշխանն Գրիգոր Մամիկոնեան աստուածային այցելութեամբ հիմնադրեալ չքնադագեղ եկեղեցին, որ ի մեծ դաստակերտին Արուն՝ շինէ գնա ստիպով, երկնային իմն համարան յարդարեալ ի վերայ երկրի: Եւ ի հարաւոյ կողմանէ դնէ զարուճիս իւր յեզր քարածալո ձորակին, յորում քղխէ ականակիտ աղբիւր պղպշակեալ ընդ քարածերպս վիմարդ քարանցն, որ գեզերս ունի իբրև զպսակ պատուարի: Եւ ապա հաստահեղոյս քարամբք և կրով պարսպեալ՝ կարգէ տուն քնակութեան իւրոյ»<sup>30</sup>:

Իշխան Գրիգոր Մամիկոնյանի կառուցած մյուս եկեղեցին՝ Նղվարդի Ս. Զորավարը, որը կառուցվել է 7-րդ դարի երկրորդ կեսին<sup>31</sup>, այժմ գտնվում է կիսաքանդ վիճակում: Այս տաճարի մասին արժանահավատ հիշատակություն է թողել Դրասխանակերտցին, որը, խոսելով Արուճի տաճարի հիմնադրման մասին, վկայում է, որ Գրիգոր Մամիկոնյանը «շինէ նաև նուիրանոց ուխտի կրօնաւորական դասուց, յորում և եկեղեցի պայծառապանոյն ի նմա յարդարեալ ըստ յարևելից կուսէ դաստակերտին մեծի Նղվարդայ՝ տուն քնակութեան կուսակքօնից գնա հաստատէ ի փրկութիւն հոգւոյ իւրոյ»<sup>32</sup>: Ինչպես հեշտ է նկատել, Գրիգոր Մամիկոնյանը այստեղ հիմնել է ոչ միայն եկեղեցի, այլև քնակավայր, ուր պետք է քնակվեին աշխարհիկ կյանքից հրաժարվածներ:

Հայոց իշխանապետական գահին Գրիգոր Մամիկոնյանին հաջորդում է պատրիկ Աշոտ Բագրատունին /685-689/, որը նույնպես անմասն չի մնացել եկեղեցաշինության մեջ յոր ավանդը ներդնելու պատվից: Վերջինիս նախաձեռնությամբ է կառուցվել Դարույնքի Ամենափրկիչ եկեղեցին, որն ամենայն հավանականությամբ, կառուցվել է Աշոտ պատրիկի իշխանապետության շրջանում /685-689/: Դարույնքի տաճարի մասին արժեքավոր տեղեկություններ է հաղորդում 7-րդ դարի պատմիչ Ղևոնդը, ըստ որի՝ եկեղեցու կառուցումից հետո Աշոտ իշխանապետը այնտեղ տեղադրել է արևմուտքից քերված Գրիստոսի մարդեղության գեղանկար պատկերը: Դարույնքի տաճարի մասին հիշատակելիս՝ պատմիչը նախ անդրադառնում է Աշոտ պատրիկի անձնակազմ արժանիքներին,

28 *Տեր-Ղևոնդյան, էջ 244*:

29 *Կ. Մաթևոսյան, «Արուն», Երևան, 1987, էջ 14*:

30 *Դրասխանակերտցի, էջ 52*:

31 *Վ. Հարությունյան, էջ 81*:

32 *Դրասխանակերտցի, էջ 52*:


ապա՝ ավելացնում. «Եւ շինէր զհեղեցին Դարիւնից յիւրում ոստանին, և զկենդանագրեալ զպատկեր մարդեղութեանն Քրիստոսի անեալ ի մտիցն արևու մեծասանչ զօրութեամբ՝ հազուցանէր ի նմա և նորա անուամբ զհեղեցին անուանեաց»<sup>33</sup>:

Ուշագրաւ է, որ այս հեղեցու նավակատիժի առթիւ է գրվել և առաջին անգամ երգվել «Ջորս ըստ պատկերի բռն...» Նավակատյաց Սուրբ Խաչի հինգերորդ օրվա կանոնի Ողորմյա շարականը /գճ/34:

Իշխանաշեն կառույցների շարքին է դասվում նաև Թալինի մեծ կաթուղիկեն, որի կառուցողի և կառուցման ժամանակի վերաբերյալ թեև մատենագրական հիշատակություններ և վիմագիր վկայագրեր չկան, բայց, այնուամենայնիվ, ենթադրվում է, որ 7-րդ դարում Կամսարականների իշխանական տան ծավալած շինարարական գործունեության արդյունք է<sup>35</sup>:

Հարկ է նշել, որ, բացի հիշված հեղեցիներից, 7-րդ դարից պահպանվել են նաև մի շարք կանգուն կամ խոնարհված նարտարապետական կառույցներ, որոնց մասին չենք կարող խոսել վիմագիր և մատենագրական աղբյուրների բացակայության պատճառով: Այդպիսի շինություններ են Արթիկի Լմբատավանքը և կաթուղիկեն, Աշտարակի Կարմրավորը, Թալինի Գառնահովիտ և Իրինդ գյուղերի հեղեցիները. Օշականի Ս. Սիոն /Մանկանոց/ տաճարը և այլն:

Համեստ և ոչ այնքան ընդգրկուն հայացքով՝ այս է 7-րդ դարի հեղեցաշինարար կաթողիկոսների և իշխանների ծավալած գործունեության պատկերը, որը պերմանստ վկայությունն է այն բանի, որ 7-րդ դարում պարսկա-բյուզանդական և արաբական ասպատակությունները դեռևս չէին մարել հայկական շինարար ոգու կրակը, և որ քաղաքական վայրկյանների պայմաններում իսկ մշակութային, նարտարապետական կյանքի զարկերակը տրոփում էր:



<sup>33</sup> Գևորգ Վարդապետ, «Պատմություն», Ս. Պետերբուրգ, 1887, էջ 16:

<sup>34</sup> «Օտարական», Վաղարշապատ, 1888, էջ 379-80:

<sup>35</sup> Վ. Հարությունյան, էջ 52: